

竟無一字相耐也。謹索枯腸。勉成四絕。呈乞吟壇哂政。

楚北漢臣錢炳煥

聞道東瀛毓異賢。今知此語不虛傳。劇欣兩國交盟固。始博琴樽一聚緣。
天下異書君國富。古來勝蹟旅途周。盡情搜括共談吐。排宕縱橫雅韻流。
運籌帷幄襄前箸。尋訪河源泛遠槎。省識行囊無長物。湖山而外祇烟霞。
同州愜洽猶同里。恭敬原宜篤梓桑。我亦羈人君過客。請留十日話情腸。

南州少佐。上年來遊新疆。時余官迪化知府。一見傾心。初不知其工於詩律也。丁未新秋七月。余遷守莎車。下車之始。少佐從喀什噶爾來謁。次日往拜。晤談許久。出示沿途唱和多篇。深爲佩服。隨又出紙索詩。勉強應命。愧勿工也。希削正之。

湘陰、粲庭氏、甘曜湘

匹馬西來此壯遊。遐方土物一囊收。歸鞭繞取英洋道。欲歷寰球五大洲。
茲值大駕到葉。愧無長物相贈。聊占俚語。以誌不忘。敬求南
州少佐斧政。

湘中、易選、俊潤庠